

Ajuier de jiëem/kantheliŋ de thukul

Wël ke lëk enŋ mēdhiēth ku dumuuk

Thukuul ke akuma ke Niu Thawuth Welith (NSW) kedhia (ebēn) aa ye kuɔɔny yök nē biäk kã ke thaikɔɔɔji nē dhöl de ajuier de jiëem.

Ajuier de jiëem de thukul anɔɔɔ (alaic) kɔc ke jiëem ku kɔc nyic thaikɔɔɔji ye luui nē dhöl yenē ke ajuier de jiëem ku athēm de thaikɔɔɔji ku ajuir ke kuɔɔny luɔi thīn enŋ mīth ke thukul tō rodha (dhöl de not) agut Year 12. Keek aa ye luui etök kenē bēi (mēc thook) ke mīth, dupiöök ku kɔc lui nē thukulic, ku kɔc kōk nyic luɔiden bikē kony nē piöc, wēt de pial e guöp ku kã piath ke piiric wic mīth ke thukul keek, ku yekē luui ago piöc dik cinic kërɛɛc ye kɔc yōm thīn, ye tē de pial e guöp, ku kã tō thīn ye piöc cɔk cath apiath ya tō thīn.

Kɔc ke jiëem ke thukul kedhia aa ye kɔc cī thaikɔɔɔji kuen nē jama (thukuldīt biɔth thēkandarī cōk) agut bikē cādaai war dīgiri yök nē nyiny de kã ke tuaany de nhom, piöc, ku duciēŋ de raan (tē ye raan kãŋ luɔɔi thīn) bī mīth ku riēnythii kuɔny agokē tiam nē piöc, piiric nē kɔc yiic, ku tē yenē raan yepiōu yök thīn (tēk tēk ku kã ke diɛɛr).

Raan de jiëem ka raan nyic thaikɔɔɔji lui nē thukulic alēu bī:

- mīth ke thukul ya jām
- piöc ku kã wic menh de thukul keek nē biäk de kã ke pial e nhom caar yiic
- luui etök kenē dupiöök ku kɔc nyic luɔi yekē looi nē thukulic
- mēc thook (bēi) kuɔny bikē kã wic mīthken keek nē biäk de piöc ku kã ke pial e nhom deet yiic ku dhöl benē keek luɔɔi thīn
- luui kenē ajuir ayeer ku kɔc nyic luɔɔi de kã ke pial e nhom agokē kuɔny luui kɔc thīn etök yiēk keek, nē dhöl cī juir bī menh de thukul ebēn kuɔny.

Tē luui kek kenē mīth ke thukul, mēdhiēth ka dumuuk, ku dupiöök, kɔc ke jiëem ke thukul, abī dhöl ye kek luui thīn, ye kē ye lueel piŋ apiath, ye kã bī keek looi cōk piny ku ye kɔc cōk (cɔl) loi kē löikē apiath.

Wël gël keek (muɔny bī wël bikē cīe lɔ ayeer moony)

Kɔc ke kantheliŋ ke thukul aa ye mīth ke thukul yiēk kuɔny epath cinic wēu ye cuat piny thīn kã ye lueel thīn. Wël ke lëk ye keek moony aa cīe bī ya rom kenē kɔc kōk peei tē kēc menh de thukul, mēdhiēth, ka dumuk yeen gam e ke tē na cī lōŋ yeen lueel ka tē benē kērilicdīt bī raan luɔi kērac tuöl ka kē bī piir piath riöök gël.

Then/Tooc

Kã tō tueŋ nē kã ke kuɔny de kantheliŋ de thukul aa ye keek looi ke kɔc lui etök kenē kɔc lui nē akutnhiim nɔɔɔ yiic dupiöök ku kɔc ke biäk de kã ke piir lɔcök. Mēdhiēth ka dumuuk nɔɔɔ kã ye keek diir nē biäk de piöc, wēt de pial e nhom ku/ka piir piath lɔcök de mīthken aa lēu bikē thiēc bikē jam kenē thukul. Mīth ke thukul nē yiēthken (keek nē rōth (röt) aa lēu bikē lɔ ka bikē kuɔny thiēc enŋ mēdhiēth ka dupiöök bī keek tiŋ ku bikē jam kenē keek.

Ajuier de wēer de thok nē telepuun

Na wic wël kōk ke lëk ke yī cɔl thukul. Na wic raan de wēer de thok bī yiin kuɔny nē kakuōn ke thiēc, ke yī cɔl Ajuier de Wēer de Thok nē Telepuun tō 131 450 ku thiēc raan de wēer de thok nē thoŋdu (thuŋdu).

Lëkkē raan lui nē telepuun namba de telepuun kɔɔr (wic) ba cɔɔl ku yeen abī raan de wēer de thok bēi nē laanyic bī yiin kuɔny nē jam ba looi. Acin wēu bī keek thiēc yiin nē ye ajuier kanic.